



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1204. Usque Ad Annum 1230

**Fleury, Claude**

**August. Vind. [u.a.], 1763**

**VD18 90118030**

§. 9. Rex Hungariæ in Palæstina.

---

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

a Constantinopolitano Imperio virorum  
 & rerum auxilium expectabant, obstu-  
 pescent, & feritas paganorum crescet.  
 Totum populum Christianum tangit di-  
 sti casus tristitia, quæ cum communis  
 sit aliis, nobis tamen ac tibi magis  
 propria esse dignoscitur, cum nec Apo-  
 stolica Sedis Legatus, nec Imperator,  
 qui tibi vinculo tam propinquo est con-  
 junctus, sine nostra tuaque injuria &  
 opprobrio detineri non valeant. Hor-  
 tamur igitur Serenitatem tuam, roga-  
 mus, & obsecramus in Domino, ut o-  
 mni mora abjecta Legatos magnæ au-  
 thoritatis ad Theodorum transmittas,  
 qui utriusque libertatem postulent, ei-  
 que denuncient, quod, si preces tuas  
 spreverit, te validi & instructissimi  
 exercitus vim contra contumacem ad-  
 bibiturum esse. Hæc Epistola, vigesima  
 octava Julii, Ferentini, quo Papa die de-  
 cima nona advenerat, data est.

## §. IX.

*Rex Hungariæ in Palæstina.*

Rex Hungariæ exercitum eo consilio  
 comparaverat, ut his viribus in bel-  
 lo sacro uteretur, nec præter ipsum illo  
 anno Regum aliquis in Palæstinam iter  
 suscepit. Papa nihil relinquebat inten-  
 tatum, quo cunctos ad exequendum de-  
 creta Concilii Lateranensis permove-  
 ret,

Sæcul XIII.  
A.C. 1217.

I. ep. 17. ap.  
Rain. 1216.  
n. 26.

ep. 18.

I. ep. 93.

ep. 79. 295.

Chro. Godef.

ret, nunc abitum Crucigerorum urgens, nunc removens obstacula. Anno superiore, pacem in Italia inter Mediolanenses & Placentinos cum Ticinensibus reducere conatus fuerat, in eam rem duobus Cardinalibus cum Legatorum potestate in Longobardiam missis, quorum Censuras confirmavit, latas contra Mediolanenses & Placentinos, quod Legatorum monita & præcepta contempsissent.

Præterea Honorius summo studio ad Beneventanos, Ecclesiæ Romanæ Vassallos, a se ipsis invicem divisos, reconciliandos incubuit, ac in Francia bello exorto inter Theobaldum juniorem & Erhardum Briennium ob Comitatum Campaniæ extinguendo operam impendit, eum in finem, ut auxilia in Terram sanctam promptius expedirentur.

Andreas Rex Hungariæ & Leopoldus Dux Austriæ cum multis Episcopis, Comitibus, ac magna vulgariū militum Crucigerorum multitudine mari se commiserunt, cumque Papa comperisset, quod in Cyprum Insulam circa Festum Nativitatis Domini Nostræ appulsuri essent, atque Patriarcha Hierosolymitanus & Magistri Hospitii ac Templi eandem Insulam petere iussi essent, ad deliberandum, ubi communi consilio in hostem irruendum esset, datis literis Archie-

Archiepiscopo Genuensi præcepit, ut <sup>Sæcul XIII.</sup> hortaretur <sup>A.C. 1217.</sup> Cruce signatos, qui in ejus urbem pervenerant; in Cyprum tenderent, & quantum mare vel tempestas <sup>2. ep. 536.</sup> sineret, juncti navigarent, quo facilius piratis possent resistere.

His addit Honorius, quod Cardinalem Pelagium, Episcopum Albanensem cum Legati potestate illuc missurus esset. Atque ista Epistola vigesima quarta Julii data. De eadem causa scripsit Archiepiscopo electo Pisano atque Episcopis Massiliensi, Castelli maris, & Gajetano, nec non <sup>ep. 537.</sup> Archiepiscopis Brundusii, & Cosentia, in urbibus maritimis Sedem habentibus. Scripsit tandem Regi Hierosolymæ, aliisque, quos in Insulam Cyprum conventuros noverat.

Paucos ante dies Honorius Papa datis literis Archiepiscopo Cosentienti præceperat; cum potestate Legati Sacræ Sedis Messinam proficisceretur, ubi multi Cruce signati se collegerant, eosque hortaretur; ad Bellum sacrum se se compararent, non ferro tantum sed etiam armis spiritualibus gerendum. Tum subjungit: *Innocentius Papa animo constituerat, ipse oblata ista occasione in Siciliam transmittere, ut suo consilio Fidelium exercitum juvaret, & proficiscentibus Benedictionem Apostolicam impertiretur. Ivissemus vero nos ipsi, si ex-*  
*Hist. Ecclesiast. Tom. XIX. Hh pedi-*

**Sæcul. XIII.** *pedire credidissimus. Quia autem illa*  
**A.C. 1217.** *copiæ Duce carere dicuntur, nec Fratres*  
*nostri Cardinales, nec alii nobis susse-*  
*runt, hoc tempore in Siciliam trajicere,*  
*ne si eventus Christianorum spei non re-*  
*spondeat, plerique de totius belli successu*  
*desperandum esse putent. Nostram ergo*  
*supplebis absentiam, eo opportunius, quod*  
*ipse edito sacræ militiæ voto teneat.*  
 Tum Papa Legato præcipit, ut adjecta  
 excommunicationis pœna prohibeat, ne  
 quis Christianorum ad invisendum sa-  
 crum Sepulchrum commeat, sicque Fi-  
 delium pie peregrinantium expensis Sa-  
 racenorum opes augeantur.

## §. X.

*Castrum Alcazar in Portugallia*  
*expugnatur.*

**Godef. an.**  
**1217.**

In alia Orbis parte Guilielmus Comes  
 Hollandiæ, Georgius Comes Owitz  
 pluresque alii Cruce signati Germani,  
 conscensis in Mosa amne navigiis, die vi-  
 gesima nona Maji, postquam in Angliam  
 & deinde in Britanniam minorem appu-  
 lissent, tandem in quemdam Hispaniæ  
 & Regni Legionis portum invecti, inde  
 relictis ibi triremibus, ad S. Jacobum  
 peregrinati sunt. Tum rursus itinere  
 maritimo Ulissiponem pervenerunt, ubi  
 aliquamdiu commorantes, naves aliorum  
 socio-